**deleuingel: (deleu`ingel)**

deleuingel a uingel el
chedelekelek er a omeleuingel,
omellamech el deldalech.

deleuul: (dele`uul)

deleuul a deleu.

deliachesh: (deli`aches)

deliachesh a llechukl el okesiu;
olangch er a O.E.K. a deliachesh
el bai me a teblo el btanch me a
tacher me a kllolem el bad.

delibech: (del`ibech) (1)

delibech a beches el rruul;
delbochel, melibech, delibech el
rael a beches.

delibech: (del`ibech) (2)

delibech a mla medibech; blais,
oles a delibech a medal, dibechii
a oles.

delibech: (del`ibech) (3)

delibech a blulak, delbochel, diak
le merang, bulak a mla duibech a
tekoi; delbechelel.

delibechakl: (delibech`akl)

delibechakl a mla medibechakl;
rael el diak le melemalt; touchakl
er a teballungel; melibechakl el
osiiker a kmeed; delibechakl el rael.

delibechebeab: (delibechebe`ab)

delibechebeab a rael el diak le
rruul er a rechad.

delibecheklel: (delibechekl`el)

delibecheklel a delibechakl er ngii,
melibechakl.

delibek: (del`ibek)

delibek a mla medibek; melibek a
bduu, dibekii, duibek a bduu el
olab a uach, dbekel.

delibkolel: (delibkol`el)

delibkolel a delibuk er ngii, delibkulel.

delibkulel: (delibkul`el)

delibkulel a delibuk er ngii; melibuk.

delibuk: (delib`uk)

delibuk a mla medibuk; omech a
eru el klalo; melibuk a odak a
erung e doibuk el mo tang el blech,
delibkolel.

delibuksirchorech: (delibuksirch`orech)

delibuksirchorech a delibuk er a
merechorech; diak le ngar a rolet a
omelibuk.

delidab: (delid`ab)

delidab a mla medidab; ngmasech
er ngii; doidebur a lius, doidab a
buuch, ngomiakl.

delidai: (delid`ai)

delidai a mla medidai; melidai a
odak a edei el kakeakl e doidai el
mo tang, chui a delidai.

delidech: (del`idech)

delidech a mla medidech; dichel a
sils a mo er a medal, delidech a
medal er a dichel a sils

delideul: (delide`ul) (1)

delideul a delidai er ngii;
deledesel; blai a medidai; diak el
meseked, delideul a bilas a ungil.

delideul: (delide`ul) (2)

delideul a delidai er ngii; chui a
delidai.

delidiich: (delid`iich)

delidiich a mla medidiich; mocholt
a kotel me a chelebulel; delidiich
er a meteet, melidiich er ngii;
didichel.

delidiim: (delid`iim)

delidiim a mla medidiim; didiim
er a daob, delidiim er a daob,
dekimes er dersesei el daob; didimel.

delidingel: (deliding`el)

delidingel a omelidui er ngii;
melidui

delidui: (delid`ui)

delidui a blai er a sers me a
cheliuis; mekekerei el blai.

deliekl: (deli`ekl)

deliekl a mla mediekl; mla
odbechii el orbetii; sechelik a
deliekl; diklii er a daob, diiklel,
meliekl er ngii.

deliim: (del`iim)

deliim a mla mediim; mla dikmesii
er a daob; duim a dellomel er a
ralm, meliim, melekimes, dimel.





delik

delik: (*del`ik*) (1)

delik a mla medik; loa chiull e a smecher a ultuil er ngii, dikir, dmik, smecher a delik er a dik, dkel.

delik: (*del`ik*) (2)

delik a kldoel, kled, kall a delik er a tebel, dikir a tet er a ulaol, melik er a til er a ulaol.

delikik: (*delik`ik*) (1)

delikik a betok el kall el diak le mekang, kall el medechel el di mo kelel a babii a delikik el kall; melikik a kall; dellikikengel.

delikik: (*delik`ik*) (2)

delikik a ngebengebotel, diak el mekekeam; betok a telemall me a teleu er ngii; dellikik, dellikikengel.

delilech: (*del`ilech*)

delilech a mla medilech; ngar er a ralm; dellochel, selokel a delilech, dilechii, dmilech, delechel a selokel.

delimes: (*del`imes*)

delimes a dellomel el duubech a metengal a kerrekar er a oreomel.

deliobech: (*deli`obech*)

deliobech a eobech; dellas, delongelet a kedidai me kedidai el chutem.

delirek: (*del`irek*)

delirek a mla medirek; ules er a direk, ekebil a delirek, direkii, merirek er ngii, derekel.

delkadk: (*delk`adk*)

delkadk a medal a tuangel er a bai me a blai.

delkaki: (*delk`aki*)

delkaki a ngerel a derumk me a besebasech; klou a delkaki er a eanged, delkekel a derumk.

delkekel: (*delkekl`el*)

delkekel a delkaki er ngii el derumk.

delkoel: (*delk`oel*)

delkoel a delik.

delkois: (*delk`ois*)

delkois a mla medkois; turekorek, dkois, melkois, torib a delkois a omerolel.

dellas: (*dell`as*)

dellas a deliobech.

dellebeaki: (*dellebe`aki*)

dellebeaki a delebeaki; kerior; ousekngit er a demal me a delal a mo ngmai a dellebeklel.

dellebeklel: (*dellebekl`el*)

dellebeklel a dellebeaki er ngii; keririel; delebeaki.

dellechelel: (*dellechel`el*)

dellechelel a telkelel a delluchel er ngii; dellechelel a kliokl.

dellemaki: (*dellem`aki*)

dellemaki a mla medelemaki; dechor el ultuu er a chutem; dolemeklii, dolemaki a smengt; delemeklel.

dellemelel: (*dellemel`el*)

dellemelel a dellomel el ngii a dilalem; dellemelel el lius.

dellengulel: (*dellengul`el*)

dellengulel a dellenguul er ngii; delenguul.

dellengulel: (*delleng`ulel*)

dellengulel a dellenguul er ngii; delenguul.

dellenguul: (*delleng`uul*)

dellenguul a delenguul, dellengulel.

dellesul: (*delles`ul*)

dellesul a dellas er ngii el beluu.

dellikik: (*dellik`ik*)

dellikik a delikik.

dellikikengel: (*dellikikeng`el*)


dellikekengel a dellikik er ngii; delikik el dil

dellochel: (*dell`ochel*)

dellochel a delilech.

dellodel: (*dell`odel*)

dellodel a mla medelodel; mla motobed er a chesl a butiliang; duldellii a ngimes, dulodel, deldelel.

**dellomel: (dell`omel)**

dellomel a delalem; mla medalem, chetemek a dellomel a lius er ngii.

delluchel: (dell`uchel)

delluchel a dmolech; diak le meched, kliokl a delluchel, dellechelel.

delmedimech: (delmed`imech)

delmedimech a oudelmedimech; betok a dimech er ngii.

delmert: (delm`ert)

delmert a mla medmert; rechad a melekoi a kngtil; rechad a melenguul er ngii; melmert a melekoi a telitur er ngii, delmert a ngmai mekngit el uldasu.

delngisech: (delng`isech)

delngisech a mla medngisech; blok, dingesechii a chemang, melngisech a rekung, dngesechel.

delngod: (delng`od)

delngod a mla medngod; llechukl a bedengel er a dngod, melngod er a ulul a buik; dungod a ochil, dngedngel.

delobech: (del`obech) (2)

delobech a mla medobech; mla metuk; delebes, dobechii a chimal, melobech, debechel a ngikel.

delobech: (del`obech) (1)

delobech a udoud er a Belau el tedobech er a kluk.

delochel: (del`ochel)

delochel a kirel el medilech; locha er a ralm, dmilech a selekelel, dilechii, delechel.

delodau: (delod`au)

delodau a chelellakl; kedung e medemedemek; ultebechel a rengul, ulterekokl, delodau a cheldechedechal.

deloechel: (delo`echel)

deloechel a delauch, douchii, dmauch a keam, melauch, duchel a keam.

deloes: (del`oes)

deloes a mla medoes; uchelel a omelasech a meloes er ngii; mo kmeed er a omekord er ngii; teletelel a omelasech el mlai.

deloko: (del`oko)

deloko a mla medoko; dokouii, dmoko a decool, meloko er a ngau, dekoel.

delolakl: (delo`akl)

delolakl a duus er a chado er a blai me a bai.

delolk: (del`olk)

delolk a mla medolk; selebek, sobekii, dolkii, melolk er ngii, delkel a mlai.

delomel: (del`omel)

delomel a kirel el medalem; dualem a delomel el diokang, dolemii a delomel el lius, delemel.

delongelel: (delongel`el)

delongelel a deleongel er ngii.

delorem: (del`orem)

delorem a mla medorem; derromel, mla mead el mo kedorem; doremii a oles, merorem a kamang, deremel.

delort: (del`ort)

delort a mla medort; delebes; dortii a kebui; dmort a besebes, chebechiil a delort, dertel.

delosel: (delos`el)

delosel a deloes er ngii el mlai er a daob.

delouechel: (delou`echel)

delouechel a delauch, melemiakl er a delouechel el lius; deluchelel a lius a ngimekill.

delsachel: (dels`achel)

delsachel a delasech; mla medasech, mla meruul, dosechii, dmasech a mlai, desechel a dilukai.

delsangel: (dels`angel)

delsangel a cheled el bereked a bad; ungil el kall.





delsbai

delsbai: (delsb`ai)

delsbai a mla medesbai; mla metub, telub, dusbir a ulaol, kesib a rengul a melsbai a klalo, desbil.

delsbil: (delsb`il)

delsbil a desbai er ngii, melsbai.

delsechel: (delsech`el)

delsechel a blai el ngii a oudelasech; diak longang el kall; kitelel a delsechel.

delsechelel: (delsechel`el)

delsechelel a blai el ngii a dilsechii; rrellel el blai.

delsel: (dels`el)

delsel a deluus el ngii a ouklalo er ngii, dsel er a chull.

delsemiich: (delsem`iich)

delsemiich a ta er a teletelel a deliaches, diamond shape (rrodell).

delsengelel: (delsengel`el)

delsengelel a deles el ngii a melles; desengelel el tekuu.

delsongel: (dels`ongel)

delsongel a chemadech el ngikel el deles; chemadech el odoim.

delub: (del`ub)

delub a mla medub; dubar, duub, melub a omriid a bad el ousbech a dub, dbal a klou el risois.

deluchelel: (deluchel`el)

deluchelel a delauch er ngii; ngemikiill, deluchelel a lius.

deludauch: (delud`auch) (1)

deludauch a betok el dauch; kebekuul a deludauch, lbedul me a Reklai a kot el dauch e blechobech el me er eou.

deludauch: (delud`auch) (2)

deludauch a betok el delauch, mla medudauch, betok a deludauch er a bedengel, duchel.

deludek: (del`udek)

deludek a kuteling er a bos me a mlai er a daob; bliil a klalo, deldekel.

deludeu: (delud`eu)

deludeu a betok el deleu; mla medudeu, dour, dmeu a mamed, deul.

deluelel: (deluel`el)

deluelel a deleu er ngii el mamed, deluelel a chim.

deluis: (del`uis)

deluis a mla meduis; mla motobed; duiesii, dmuis a semum, meluis a delsangel.

delul: (del`ul)

delul a mla medul er a ngau.

delulel: (delul`el)

delulel a delul el ngii a ouedoim er ngii, delulel el mesekuuk.

deluoik: (delu`oik)

deluoik a beluoik; bliukel, chebirukel, kulkokl a ulkel, deluoik el ulk.

deluokl: (delu`okl)

deluokl a ngar a delongelel a meklou; blik a deluokl er a chachisois el blai.

deluus: (del`uus) (1)

deluus a rrasme er a chim; merames a rresmelel.

deluus: (del`uus) (2)

deluus a dor er a chull; omderungel; rrasme el mengchongch.

demailei: (demail`ei)

demailei a dellomel el ko er a buuch el ngar er a oreomel.

demairuuch: (demair`uuch)

demairuuch a tauuir, ta er a bedengel a chudel.

demal: (dem`al)

demal a chedam er ngii el ngalek; kldemaol; demal a sechelik.

demedamel: (demed`amel)

demedamel a kirel el medemedem; ruoll el mo tabesul, domedemii a chutem, omekedecheraol a demedamel, melemedem er ngii; demedemel.


demedemall: (demedem`all)

demedemall a demedamel.

demedemekall: (demedemek`all)

demedemekall a ruoll el mo medemedemek; ngeliokl el brak a demedemekall, domedemekii, domedemek, demedemekel.





demedemekel: (*demedemek`el*)
demedemekel a omelemedemek er ngii; mo medemedemek.

demetaoch: (*demet`aoch*)
demetaoch a mekekerei el taoch, diak el klou a usbechel.

demiël: (*demi`el*)
demiël a me duum er ngii; me chemolt; dmeu a renguk er a demiël a ngelekek, klebokel a demiël a sils er a tutau.

demok: (*dem`ok*)
demok a llel a dait el klengoes el medemedemek, demedemok.

demul: (*dem`ul*)
demul a ta er a bedengel a ngikel.

dengarech: (*deng`arech*)
dengarech a chemau bab; diak el chebecheb, olekang a dengarech.

dengchokl: (*dengch`okl*)
dengchokl a kiei er a ulaol me a kingall, ulat er a ulaol a dengchokl, dengcheklel.

dengdengechel: (*dengdeng`echel*)
dengdengechel a diak a kmal el medengeli; melangch er ngii, dengdengechel er a beluu; dengchel.

dengeball: (*dengeb`all*)
dengeball a dengobel, kirel el medangeb; melangeb er ngii, dongebii, duangeb a olekang; dengebel.

dengebel: (*dengeb`el*)
dengebel a dangeb er ngii; omelangeb er ngii el olekang.

dengechel: (*dengech`el*)
dengechel a kirel el medangch; omuut a chutem er a uchul a iedel; dongchii a tuu er a chutem.

dengerchang: (*dengerch`ang*)
dengerchang a mla mo dengarech; diak el chebecheb; dongerechii, dongarech a kall, ngalek a dengerchang, dengerechel.

dengerengelchebud: (*dengerengelcheb`ud*)
dengerengelchebud a meterekaki; diak longedmokl; melengerenger a kall me a klalo.

dengerenger: (*denger`enger*)
dengerenger a delengerenger; oleiit a llach; meruul a mekngit; dengerngerel a beluu.

dengerotk: (*denger`otk*)
dengerotk a telkib el dengerenger; ko er a chellechelid el omeruul.

denges: (*d`enges*) (1)
denges a ta er a bedengel a kerrekar er a keburs.

Denges: (*d`enges*) (2)
Denges a toachel er a Beliliou.

dengesall: (*denges`all*)
dengesall a omes er a bab; kirel el medanges; dongesii, dmanges a berikd el buuch, melanges er a sils; dengesel a buuch.

dengesekill: (*dengesek`ill*)
dengesekill a kirel el medengesaki; kirel medebeaki; dongeseklii er a chelid, omelengesakl a rechad a mekull; dengeselel.

dengesel: (*denges`el*)
dengesel a omelanges er ngii; melanges.

dengiil: (*deng`iil*)
dengiil a chetebtel a ears er a mla er a daob.


dengitech: (*deng`itech*)
dengitech a chutem el mengai er a baoch el mo dmak er a telkib; dengtochel a rael.

dengki: (*dengk`i*) (rrodel)
dengki a electricity (rrodel).

dengmesioll: (*dengmesi`oll*)
dengmesioll a kirel a omelengmes; melengmes er ngii; omotech er a rengul; mengull, mesisiich er a buai a dengmesioll.

dengobel: (*deng`obel*)
dengobel a dengeball.





dengtochel

dengtochel: (*dengt`ochel*)

dengtochel a soal a dengitech el kiei er ngii; blil a dengitech, ngar eou el chutem a dengtochel.

dengua: (*dengu`a*) (rrodel)

dengua a telephone (rrodel) .

denguchel: (*deng`uchel*)

denguchel a delenguchel; tkakl; klalo el melkagl.

deoll: (*de`oll*)

deoll a kirel el medeel; dmelii a chesimer, dmeel, meleel, blai a deoll, delel.

der: (*d`er*)

der a mlo diak el mekang; derengel a blengur; medeel el kall; der a betok me molai a keliu, oumeder.

derabuch: (*derab`uch*)

derabuch a merir; derabuch el kebui, llel a decool a mla mo derabuch.

derariik: (*derar`iik*)

derariik a ta er a bedengel suebek el charm.

deratel: (*der`atel*) (1)

deratel a kirel medort; kukau a deratel, merort a kukau, dmort a kukau, dertel.

deratel: (*der`atel*) (2)

deratel a kirel el medort, kirel el mengai, dortii a kebui, merort er a kebui, dertel.

derau: (*der`au*)

derau a klekedall er a omenged; omerrau, uked el ngar a chim e merrau a ngikel; melechiir a ngikel.

derbengais: (*derbeng`ais*)

derbengais a ko er a blebelel a ngais, derbengais el belatong.

derderiil: (*derder`iil*)

derderiil a bekelilangel, lmangel er a beot el ringel.

derebakel: (*dereb`akel*)

derebakel a kirel el mederubek; merrubek er ngii; durebekii a ochab, durubek a ducher, osiik a ngduul.

dereberbel: (*dereberb`el*)

dereberbel a teletelel a dereboreb er ngii el rubak, reboreb; kemanget a dereberebel a mesaik.

derebokel:

derebokel a teleteu me ng beot el soiseb a deribek er ngii; mekngit a chesimer me ng derebokel a blai.

dereboreb: (*dereb`oreb*)

dereboreb a di dengchokl el diak loruul a ngerang; reboreb.

derek: (*der`ek*)

derek a ta er a bedengel a uked er a ngikel.

deremel: (*derem`el*)

deremel a bliochel disech el diak luldak er a ralm; deremel a disech.

derengel: (*dereng`el*)

derengel a der er ngii el blengur; derengel a udoud; oumeder.

dereuakl: (*dereu`akl*)

dereuakl a doreuakl; cherechur; klou a dereuakl; kauoderouakl, ocherechur, kacherechur.

deribek: (*der`ibek*)

deribek a dertelkib er a chull el soiseb er a blai.

derik: (*der`ik*)

derik a tekaukleald er a blai; melekau a kleald.

derikel: (*der`ikel*)

derikel a ta er a bedengel a kerrekar el ou teriobs; mle osilek er a bail er a mekemad.

deril: (*der`il*)

deril a omerrai er ngii el klktat, mla dorir a meringel el ochik, merrai er ngii.

deris: (*der`is*) (rrodel)

deris a dellomel el dub; deris a usbechall er a omelub el ngikel.

deroech: (*der`oech*)

deroech a ta er a bedengel a suebek el charm.

deromel: (*der`omel*)

deromel a kirel el medorm; doremii a oles; duorem a oluches, merorem, deremel.



- deromukang: (deromuk`ang)**
deromukang a klou el chaibibeob
el beached el blil a cheluch me a
ralm.
- derrai: (derr`ai)**
derrai a mla mederai; lmuut el
ochidii a ringel; dorir a blodk,
dorai a keltkat, deril.
- derratel: (derr`atel)**
derratel a delebes; mla medort;
delort, dortii a delongelir, dmort a
klauchad, dertel, derratel el klab.
- derrau: (derr`au)**
derrau a merrau a ngikel; betok el
chad el dmak el merrau.
- derreder: (derr`eder)**
derreder a ulekrael; cheldereder,
mla medereder; mechedereder,
mosisechakl, derreder me te
meduch a urreor.
- derredirek: (derred`irek)**
derredirek a mla mederdirek; diak
a chetengakl el kirir; merredirek,
dirderekii; dirdirek; melekoii a
kngterir.
- derrekarek: (derrek`arek)**
derrekarek a telemall; chelebuul,
terached, mle betok a
derrekerekam er sera mekomad.
- derrekerekel: (derrekerek`el)**
derrekerekel a derrekarek er ngii.
- derremkel: (derremk`el)**
derremkel a derrumk er ngii el
besebasech me a derumk.
- derringel: (derr`ingel)**
derringel a ta er a bedengel a ngikel.
- derromel: (derr`omel)**
derromel a delorem.
- derrubek: (derr`ubek)**
derrubek a mla mederubek; mla
otungii e durebekii, durubek a
ochab, merrubek el oba biskang.
- derrutm: (derr`utm)**
derrutm a ta er a bedengel a
sechou, charm.
- dertall: (dert`all)**
dertall a deratel.
- dertang: (dert`ang)**
dertang a dersechimong; ta me a
tang, ouderta er tir el mo er a skuul.
- deruchall: (deruch`all) (1)**
deruchall a deruchellel er a urreor;
olsechall er a buai, ngar bab el
deruchall.
- deruchall: (deruch`all) (2)**
deruchall a oridekill el mo tmuu er
a blai, mo dechor er a deruchall e
tmuu.
- deruchellel: (deruchell`el)**
deruchellel a deruchall er ngii.
- derudm: (der`udm)**
derudm a ta er a bedngel a ngikel
el di tungd a bedengel el rokir.
- derul: (der`ul)**
derul a derau er ngii er a omenged.
- derumk: (der`umk)**
derumk a klou el ngor el merrumk;
ngerel a bisebusech; orreek e
melekoier a eanged, derremkel.
- desachel: (des`achel) (1)**
desachel a ta er a bedengel a ngikel.
- desachel: (des`achel) (2)**
desachel a kirel el medasech; chad
er a desachel a meruul a blai,
melasech a blai, desechel.
- desal: (des`al)**
desal a ngisel; desal a ngikel, meas
a desaol.
- desaol: (des`aol)**
desaol a meklou a desal; mla mo
er ngii a ngisel; lak molai a meas a
ldesoal e ng kirel el omechell.
- Desbedall: (desbed`all) (1)**
Desbedall a ongos er a Babeldaob;
Melekeok me a Ngchesar a beluu
er a Desbedall.
- desbedall: (desbed`all) (2)**
desbedall a siseball, tuangel,
desbedellel.
- desbiil: (desb`iil)**
desbiil a kirel el medesbai; metub;
ringetii e tubar; dusbai, melsbai,
"lak mekreos e a chemachel a
desbiil", desbil.



desbil

desbil: (*desb`il*)

desbil a omelsbai er ngii; melsbai.

desebel: (*deseb`el*)

desebel a tiul; doseb er ngii;
beches el duubech, desebel a
bambuu, desebel a meradel.

desechel: (*desech`el*)

desechel a disech er ngii el lius.

desechelel: (*desechel`el*)

desechelel a desachel el ngii a
melasech er ngii el blai.

desemelel: (*desemel`el*)

desemelel a desomel er ngii el mlai.

desengel: (*deseng`el*)

desengel a omeles er ngii el ngikel.

desiil: (*des`iil*) (1)

desiil a ullebongel; mla mo merek;
desiil er a klechedaol, desilel.

desiil: (*des`iil*) (2)

rengalek el kaiuetoir a kerutech el
melai a desiil.

desil: (*des`il*)

desil a odam; odos er ngii; Kebesei
a desil a Dilbung.

desilel: (*desil`el*)

desilel a desiil er ngii el klechedaol.

desioll: (*desi`oll*)

desioll a desil, kaudesioll.

desiu: (*des`iu*)

desiu a klisiich el simesmengii a
chutem; mesisiich el desiu a
tilemellii a Kobe er a Siabal.

desomel: (*des`omel*)

desomel a klekedall er a mlai er a
daob; olengeseu el olechob er a
mlai, desemelel.

desongel: (*des`ongel*)

desongel a kirel el mesekosek;
dosengii, dmes a ngikel, meles,
desengel.

desui: (*des`ui*)

desui a ta er a bedengel a ngikel.

desum: (*des`um*)

desum a ta er a bedengel a emull.

detimel: (*det`imel*)

detimel a ta er a bedengel a besebes
er a oreomel el kall a rdechel.

deuechel: (*deu`echel*) (1)

deuechel a kirel el medauch;
dmauch a keam, douchii, melauch
a miich, duchel.

deuechel: (*deu`echel*) (2)

deuechel a cheled el ko er a kikoi.

deuil: (*deu`il*)

deuil a deurreng; klou a deuil a
rengrir a retilobed er a skuul.

deukes: (*de`ukes*)

deukes a bliongel; deleukes er a
rubakldil a babii me a kukau, dikesel.

deurreng: (*deurr`eng*)

deurreng a ungil e bloket el reng;
klou a deurreng er a omelilt er a
skuul; deuil a reng; mad er a
deurreng.

di: (*d`i*)

di a olkael; di kau a mei e diak a
ngodech; di tedei el buik a mong;
se di kau, se di ngii.

diablong: (*diabl`ong*)

diablong a mekngit el chelid;
bellek, ongelemadech,
dirrakemim.

diaches: (*di`aches*)

diaches a chemadech el kukau el
uldioll er a dait e chelilt er a reng
el keel a deleb er a sis.

diak: (*di`ak*) (1)

diak a bechachau; diak a kall, diak
a udoud, diak a chad er a blai.

diak: (*di`ak*) (2)

diak a biteklel a ngar ngii e dirrek
el biteklel a choi, ngar ngii, ng
diak? choi ng diak?

dial: (*di`al*)

dial a dui el ngii a oudui er ngii,
ng kirel el tuchelii a dial.


diall: (*di`all*) (1)

diall a meklou el mlai er a daob el
oltak a rechad me a uleklool; diall
er a mekemad, diall er a usaso, dillel.

diall: (*di`all*) (2)

diall a udoud el dillel a mad el
redil el mesobil; melecha a diall,
rukdemaol a mesuk a diall.





diangel: (*di`angel*) (1)
diangel a blil a mlai; kloia a mlai me a brer er ngii.

diangel: (*di`angel*) (2)
diangel a blil a mur, oilaol er a mur; redil a meloik er a diangel.

dibard: (*dib`ard*)
dibard a melbard; delbard; diak el llemolem; diberdii, dibard a brer er a taoch, diberdel.

dibech: (*dib`ech*)
dibech a delibech; beches el omeruul, dibechii, melibech, dibech el delengchokl.

dibechii: (*dibech`ii*)
dibechii a melibech er ngii; dibechii a omekedecheraol er a blai.

dibekall: (*dibek`all*)
dibekall a kidbengii; mendedib er ngii; kirel el medibek; dibekii a bduu; melibek, bduu a dibekall, dbekel a bduu.

dibekii: (*dibek`ii*)
dibekii a melibek er ngii.

diberdall: (*diberd`all*)
diberdall kirel el medbard; diak le llemolem; mo delbard, diberdii a bambuu er a rael el melenget.

diberdel: (*diberd`el*)
deberdel a omelbard er ngii; melbard er a bambuu er a rael.

diberdii: (*diberd`ii*)
diberdii a melbard er ngii.

dibisech: (*dib`isech*) (1)
dibisech a melebisech el oba biskang; mla dibisech a ngikel.

dibisech: (*dib`isech*) (2)
dibisech a melebisech; metitur el orrenge a melebisech a tekoi; mla dibisech a cheldechoduch; mengerad a telbiil, ngii di loleko.

dibsechel: (*dibsech`el*)
dibsechel a omelebisech er ngii, melebisech.

dibsechii: (*dibsech`ii*)
dibsechii a melebisech er ngii.

dibus: (*dib`us*)
dibus a diak le ngar tiang; mla merael; rureulngau; dibus er tiei, dibusei.

dibusei: (*dibus`ei*)
dibusei a mla mo dibus.

dichel: (*dich`el*)
dichel a diich er ngii; dichel a sils.

did: (*d`id*)
did a omech a rael er a bita me a bitang; didil a omoachel.

didaichetang: (*didaichet`ang*)
didaichetang a uldekial a kesebekuu me a kitelel; mardingaol me a tukidolech.

didall: (*did`all*)
didall a rael er a daob el omech a beluu; didall a did el didil a omerael, didall er a Oreor el mo er a Meiungs.

didebul: (*dideb`ul*)
didebul a omelidab er ngii; melidab.

didelboi: (*didelb`oi*)
didelboi a did er a omelemiakl; melemiakl er a didelboi.

didichall: (*didich`all*)
didichall a chad el diak longull a tekoi; kirel el medidiich; mocholt a uchul; meteet a mla didichii; chad el odiaol a delal; didichel.

didichel: (*didich`el*)
didichel a omelidiich er ngii, diak longull a llach me ng mla medidiich er a uchul a delengchokl.

didichii: (*didich`ii*)
didichii a melidiich er ngii; msa mera el tekoi; ochotii a kotel.

didii: (*did`ii*)
didi a meliod er ngii ralm er a ulaol, ngar ngii a diod.

didiich: (*did`iich*)
didiich a llomes; didichel a sils, didiich a melidiich a medad.

didiim: (*did`iim*)
didiim a dersesei er a daob; ralm el melekimes; melidiim; dekimes er a didiim; didimel.





didil

didil: (*did`il*)

didil a did er ngii el omoachel.

didilachedbetei: (*didilachedbet`ei*)

didilachedbetei a cheldellel a btuch er a eanged, betok el btuch el blechobech a didilachedbetei.

didimall: (*didim`all*)

didimall a kirel el medidiim; mesubs; dellomel a didimall, duiim er a ralm, melidiim er a ralm; didimel.

didimel: (*didim`el*)

didimel a didiim er ngii.

didimii: (*didim`ii*)

didimii a melidiim er ngii.

diditel: (*didit`el*)

diditel a didirt er ngii; medidirt.

didiul: (*didi`ul*)

didiul a omelidai er ngii; melidai.

didiuul: (*didi`uul*)

didiuul a kirel el medidai; doideur, doidai a chiul a ekebil, delidai, didiul.

didu: (*did`u*)

didu a dirrek; melekoi a betok; rebetok, kau me tir a didu el mei; kau me ngii a didu el merael; kau me ngii me tir a didu el mong.

diemii: (*diem`ii*)

diemii a meliim er ngii er a ralm.

diesall: (*dies`all*)

diesall a kirel el meduis; dmuis a delsangel, duiesii, otobed er a chelsel; meluis a semum, diesel a semum.

diich: (*d`iich*)

diich a dichel a kmard el klalo; diichel a sils, melidiich, medad medidech er a diich.

diiklel: (*diikl`el*)

diiklel a omeliekl er ngii; oldubech el orrebet.

diiklii: (*diikl`ii*)

diiklii a meliekl er ngii; tukeklii.

diil: (*d`iil*)

diil a delach, delel a chad, ngalek a ngar er a chelsel a diil.

diim: (*d`iim*) (1)

diim a uasech; osechel a klengoes; ko er a mechas er a Ngerang el "oudelasech er a chelechedal e melim a dimel".

diim: (*d`iim*) (2)

diim a meliim, melidiim; didimel a ralm a melekimes.

dik: (*d`ik*) (1)

dik a dkil; klalo el melik, chiull a dik el melik er a smecher, dkel.

dik: (*d`ik*) (2)

dik a ongedoel er a klalo, dikir a olekang er a dik.

dikeang: (*dike`ang*)

di keang a mla er ngii e mla mo diak, udoud a di keang.

dikesel: (*dikes`el*)

dikesel a deukes er ngii; rrukkel, blinglelel, dikesel a rubak a babii.

dikimes: (*dik`imes*)

dikimes a melekimes; dikimes a ulaol me a bail, mla mo dekimmes.

dikir: (*dik`ir*)

dikir a melik er ngii; kmedii, dikir a til, dmik a kall, delik, omechei; dkil.

dikmesii: (*dikmes`ii*)

dikmesii a melekimes er ngii; dikmesii er a daob, dekmesel.

dikois: (*dik`ois*)

dikois a melkois; omitech, remuul el mo dkois; turekorek, dkiisel.

dil: (*d`il*)

dil a chad el redil; aki teim el ochad e di ta er kemam a dil.

dilech: (*d`ilech*)

dilech a kitelel; dilechkllaeb a dilech el kiei a bong me a kllaeb.

dilechii: (*dilech`ii*)

dilechii a melilech er ngii; loaia er a ralm me a daob; delechel.

dillang: (*dill`ang*)

dillang a mla mocha dioll; bechik a ko el dillang.

dillel: (*dill`el*)


dillel a diall er ngii; mesuk a dillel a mechas.





- Dilong:** (*dil`ong*)
Dilong a chimo er a beluu er a Ngcheangel.
- diluches:** (*dil`uches*)
diluches a ta er a eua el uchul a eolt; Ngcheangel a diluches er a Belau.
- diluchesngebard:** (*diluchesngeb`ard*)
diluchesngebard a delongelel a ngebard me a diluches.
- dilukai:** (*diluk`ai*)
dilukai a delsachel kerrekar el okesiul a chad me a mongkii.
- dimall:** (*dim`all*)
dimall a kirel el mediim; duiim a dellomel, dellomel a dimall, diemii, dimel.
- dimech:** (*d`imech*)
dimech a kekerei el ko er a medal a oluches; olangch; dimech a merekui a cheldecheduc.
- dimel:** (*dim`el*)
dimel a diim er ngii el klengoes; osechel.
- dimes:** (*d`imes*)
dimes a ta er a eua el uchul a eolt; Irrai a dimes er a Ngchesar.
- dimesngebard:** (*dimesngeb`ard*)
dimesngebard a delongelel a dimes me a ngebard.
- dimesungos:** (*dimesung`os*)
dimesungos a delongelel a dimes me a ongos.
- dimlak:** (*diml`ak*)
dimlak a di mla diak, dimlak le medung er a cheldecheduc, dimlak rengesii, dimlak lemei.
- ding:** (*d`ing*)
ding a klekedellel a chad; ding a orrenge; dingal.
- dingal:** (*ding`al*)
dingal a ding er ngii el chad.
- dingelel:** (*dingel`el*)
dingelel a diangel el ngii a ouklalo er ngii.
- dinges:** (*d`inges*)
dinges a medinges; diak el sengerenger, betok a kall; dinges a uchul a ungel el klechad, dngesel.
- dingesechel:** (*dingesech`el*)
dingesechel omelengisech er ngii, melngisech.
- dingesechii:** (*dingesech`ii*)
dingesechii a melngisech er ngii, toreklii.
- dingesedeel:** (*dingesed`eel*)
dingesedeel a medelang; mla mo merur le ng kmo "ak medinges e a lechub e ng songerenger; di kea loltii a tekingel.
- dingisech:** (*ding`isech*)
dingisech a melngisech; torakl, dingesechii a chemang, kmai; dingesechel.
- diod:** (*di`od*) (1)
diod a ralm el oldalech el mei er eou; ralm a meliod er a ulaol, olengimech er a ulaol, diidiel.
- diod:** (*di`od*) (2)
diod a ta er a bedengel a omenged.
- diokang:** (*diok`ang*)
diokang a dellomel er a sers el ongraol.
- diokelengel:** (*diokeleng`el*)
diokelengel a diokang el ngii a oudellomel.
- dioll:** (*di`oll*)
dioll a ngar er ngii a ngalek er a delel; kldiull, bechik a dioll.
- diong:** (*di`ong*)
diong a diosech; omoachel, olechelubel, rengalek a mangedub er a diong.
- Dios:** (*di`os*) rrodel
Dios a Chelid; omebelel a rokui.
- diosech:** (*di`osech*)
diosech a diong.
- direk:** (*d`irek*)
direk a klalo el merirk; direkau; meskau a llechum el di ua ikau.
- direkak:** (*direk`ak*) (1)
direkak a kirel el mo er ngii e direkak; kirel el mekedmokl e direkak le mekedmokl.





direkak

direkak: (direk`ak) (2)

direkak a omes er a llecheklek er a direk; merirek er ngak.

direkau: (direk`au)

direkau a omes er kau er a direk; di kau el omes er kau.

direkorek: (direk`orek) (2)

direkorek a uldirekorek, imis, medeel, kmal klou, uldirekorek el kall a cheleberochel.

direkorek: (direk`orek) (1)

direkorek a uked er a omenged; oudirekorek; ouemenged.

dirimesmis: (dirimesm`is)

dirimesmis a charm el suebek, melekoi el ua ngerel a tutau.

dirra: (dirr`a)

dirra a dui el dil; Dirrengerrach, Dirrauchulabkau.

dirrek: (dirr`ek)

dirrek a di osisiu; tilecha a ungil me sei me ng dirrek el ungil; ua ingii.

dirt: (d`irt)

dirt a didirt; medirt; medidirt; diak el dekimes; diak a chull me a chutema medirt; diditel.

disech: (d`isech)

disech a osechel a kles el lius; chuit, disech a usbechall er a omenguit, desechel.

ditel: (dit`el)

ditel a dait el ngii a oudait.

diu: (d`iu)

diu a klou el ngor; oldiu, ngar er ngii a klou el diu, diul.

dkedkemel: (dkedkem`el)

dkedkemel a dkedukem er ngii el a ulaol, dkedkemel a uach; melkedukem.

dkedukem: (dked`ukem)

dkedukem a melkedukem; dkedkemel a rurt er a rael, dkedkemel a ulul a mesel.

dkel: (dk`el)

dkel a dik er ngii; dkel a smecher a chiull; titechel, kongel.

dkiiil: (dk`iil)

dkiiil a kirel el medik; dikir a smecher, melik er ngii; smecher a dkiil.

dkil: (dk`il)

dkil a dkel, chiull a dkill a smecher.

dkisall: (dkis`all)

dkisall a kirel el medkois; rullii el mo dkois, ulitech; smecher a dkisall e moues er a toktang, dkisii, dkisel.

dkisel: (dkis`el)

dkisel a omelkois er ngii; mo dkois.

dkisii: (dkis`ii)

dkisii a melkois er ngii, mo dkois.

dkoel: (dk`oel)

dkoel a kirel el medik; dikir, kmedii, klok a dkoel er a tebel.

dkois: (dk`ois)

dkois a diak lemelemalt; omitech, melkois, olekang a dkois.

dmachel: (dm`achel)

dmachel a melachel; dmachel a betok el bedikl er a beab me a malk, ochau er a merau el delachel.

dmaes: (dm`aes)

dmaes a melaes; dmaes a betok el kall er a mechesang el di mo er a babii.

dmak: (dm`ak)

dmak a uldak; te uldak er a chimo el blai, te dmak el kiei; te dmak el skuul, chachelechel, kaukledem.

dmakl: (dm`akl)

dmakl a melakl; locha er a chelsel a chutem; dmakl a besbas, doklii, deklel.

dmangch: (dm`angch) (1)

dmangch a melangch; mla dmangch a rokui el chaibebelau, dongchii a chad, dengchel.

dmangch: (dm`angch) (2)

dmangch a kebui; locha chutem er a uchul a dellomel.


dmanges: (dm`anges) (1)

dmanges a melanges; omes er bab, mla dmanges a buuch, dongesii a kebui, dengesel.

dmanges: (dm`anges) (2)

dmanges a merael el mo er a bab; omerael a bedul a diluches.





- dmangesbab:** (*dmangesb`ab*)
dmangesbab a omes er a bab.
- dmauch:** (*dm`auch*)
dmauch a melauch, dmauch a delouechel er a chelechedal a lius; dmauch a betek el keam; douchii a miich; duchel.
- dmedaes:** (*dmed`aes*)
dmedaes a meledaes; remuul el mo mededaes, mla dmedaes a rengrir, dmedesii a rengul, dmedaes a rael; dedesel.
- dmedes:** (*dmed`es*)
dmedes a betek el deles; baklild a mla dmedes a chimak; dosengii, desengel a chim.
- dmedesii:** (*dmedes`ii*)
dmedesii a meledaes er ngii; dmedesii a blai.
- dmeel:** (*dm`eel*)
dmeel a mla meleel; metuut a deel, mla dmeel a betek el klekedall er a blai, dmelii.
- dmelii:** (*dmel`ii*)
dmelii a meleel er ngii.
- dmes:** (*dm`es*)
dmes a meles, dmes a ngikel.
- dmesii:** (*dmes`ii*)
dmesii a melaes er ngii, melekoi a chetirir er ngii; ker di dmesii e ngoseuir le ng chebuul; mesaod er a sikel, melbedebes er ngii.
- dmeu:** (*dm`eu*) (1)
dmeu a rengrir; ungil a tengrir; deurreng, mad er a deurreng, deuil a reng.
- dmeu:** (*dm`eu*) (2)
dmeu a meleu; dmeu a betek el babier, dour a bail, meleu a bambuu el ochado er a ngau; deuil.
- dmidech:** (*dm`idech*)
dmidech a melidech; didech, didichel a sils a dmidech a medad, medidech er a sils.
- dmidiich:** (*dmid`iich*)
dmidiich a melidiich; sils a mla dmidiich a rael; meklomes.
- dmidui:** (*dmid`ui*) (1)
dmidui a melidui, omes, dmidui a blai, dmidui a bliil a kall.
- dmidui:** (*dmid`ui*) (2)
dmidui a meruul a delidui.
- dmiich:** (*dm`iich*)
dmiich a melidiich; sils a dmiich er a bebul a daob.
- dmik:** (*dm`ik*) (1)
dmik a modik; remiid el mo diak le kiei, mla dmik er a delengchokl; meriim.
- dmik:** (*dm`ik*) (2)
dmik a melik; manged, dikir a kall er a tebel, mla dmik a babier me a til er a tebel, dkil.
- dmilech:** (*dm`ilech*)
dmilech a melilech; oduleb er a ralm, dmilech a chimal, delechel.
- dmilel:** (*dm`ilel*)
dmilel a dmuil er ngii el blai.
- dmirek:** (*dm`irek*)
dmirek a merirek; mla dmirek a bedengel er a direk, derekel.
- dmoko:** (*dm`oko*)
dmoko a meloko; mla dmoko a betek el decool, dokouii a decool, decool; dmoko a olbidel.
- dmolech:** (*dm`olech*)
dmolech a dolech, diak le meched; dmolech a chei, klou a dolech.
- dmolk:** (*dm`olk*) (1)
dmolk a melolk; mesebek, mla dolkii a tebel e mriid a babier, dmolk a kingall, delkel.
- dmolk:** (*dm`olk*) (2)
dmolk a omekeek, mla dmolk a tutuu er a semum, sochesech.
- dmort:** (*dm`ort*) (1)
dmort a merort; mla dmort a kebui. dertel a kebiuk.
- dmort:** (*dm`ort*) (2)
dmort a merort, mo kesaod, te mla dmort a ungil el chebechiil.
- dmort:** (*dm`ort*) (3)
dmort a merort; melai a semkel.





dmuil

dmuil: (*dm`uil*)

dmuil a medal a blai; beruadel a nguu a chad er a dmuil; dmilel.

dmuis: (*dmu`is*)

dmuis a meluis; oba oluis el oltobed, mla dmuis a techel a semum, duiesii, disel.

dmul: (*dm`ul*)

dmul a melul; mla dmul a ngikel; durur a malk.

dmung: (*dm`ung*)

dmung a melekoi, "a le mei a Siang e ke dmung er ngii me ng choielak".

dngedngall: (*dngedng`all*)

dngedngall a kirel medngod dngedngii a ulul, dungod a chimal; rdechel a btaches a dngedngall er a rengalek.

dngedngel: (*dngedng`el*)

dngedngel a omelngod er ngii, melngod a rdechel a btaches.

dngedungel: (*dnged`ungel*)

dngedungel a dngedngall.

dngesechall: (*dngesech`all*)

dngesechall a kirel el medngisech; melngisech a toreklii a chemang, dingisech a kakum; dngesechel.

dngesel: (*dnges`el*)

dngesel a dinges er ngii, medinges.

dngod: (*dng`od*)

dngod a klekedall er a omelngod.

doall: (*do`all*) (1)

doall a mengodech a bedengel, medal a kmard, diak le blekebek, doall le ng merur.

doall: (*do`all*) (2)

doall a mengodech a bedengel; tebaringel a klit me ng doall; klaud a rasech me ng douellang.

doaoch: (*do`aoch*)

doaoch a meloaoch; diak el ultebechel a blii, merael a delengchokl.

dobdeb: (*dobd`eb*) (1)

dobdeb a meruul a delebdeb el mengur.

dobdeb: (*dobd`eb*) (2)

dobdeb a melebdeb a udoud; meterekakl, mla okngemed, mla dobdeb a cheral a chetemel e meloaoch.

dobdebsii: (*dobdebs`ii*)

dobdebsii a melebdobs er ngii; mla dobdebsii a omerael el mo diak, omsebosech.

dobdebur: (*dobdeb`ur*)

dobdebur a melebdeb er ngii; meruul a delebdeb el mengur.

dobdobs: (*dobd`obs*)

dobdobs a merrob; melebdobs; mla torob a omerael e dob dobs a urreor e mekerang?

dobeakl: (*dobe`akl*)

dobeakl a melebeakl; olengit er a chelid me lolebeakl er tir; mo delebeakl.

dobechii: (*dobech`ii*)

dobechii a melobech er ngii; mla dobechii a kerrekar, debechel.

dobedebang: (*dobedeb`ang*)

dobedebang a ko el mocha dobodeb; melebodeb a ngikel, dobedebii, debedebel.

dobedebechii: (*dobedebech`ii*)

dobedebechii a betok el delebes, melebedobech er ngii; melobech, debedebechel a ngikel.

dobedebek: (*dobed`ebek*)

dobedebek a mla lmatk; ak mla dobedebek a meldu el tekoi; dobedebekii, debedebekel.

dobedebekang: (*dobedebek`ang*)

dobedebekang a mla dobedebek; a kulebes e lotkang.

dobedebekii: (*dobedebek`ii*)

dobedebekii a melebedebek er ngii, lotkii.


dobedebii: (*dobedeb`ii*)

dobedebii a melebodeb er ngii, mla dobedebii a babii.

dobeklii: (*dobekl`ii*)


dobeklii a melebeakl er ngii; melengesakl er ngii, dongeseklii.





- dobengang:** (*dobeng`ang*)
dobengang a mla duob; meoud,
dobenga er a skoki.
- dobengii:** (*dobeng`ii*)
dobengii a meleb er ngii,
torebengii, mla dobengii a
kemanget e blelekl el
cheldecheduc.
- dobesiang:** (*dobesi`ang*)
dobesiang a ko el mocha melebes
er ngii; medebesang; dobesii, tukur.
- dobesii:** (*dobes`ii*)
dobesii a melebes er ngii; tukur,
toktang a mla dobesii a ochil a
smecher.
- dobetii:** (*dobet`ii*)
dobetii a melbaet er ngii;
mla medbaet e le ng chemiis a
urreor el beluu, dibetel.
- dobodeb:** (*dob`odeb*) (1)
dobodeb a dolechakl; dikea le
kesib a rengul, chelellekla rengul.
- dobodeb:** (*dob`odeb*) (2)
dobodeb a melebodeb a kukau.
- dochel:** (*doch`el*)
dochel a mdois; locha dechelel;
remuul el mo betok, mla dochel a
udoud.
- dochelang:** (*dochel`ang*)
dochelang a ko el mocha dmachel
a bub; melachel, dochelii;
docheliang.
- dochelii:** (*dochel`ii*)
dochelii a melachel er ngii;
dochelii a bub er a chemang.
- dochelir:** (*dochel`ir*)
dochelir a loa dechelel; mo klou;
betok; dochel.
- docherecher:** (*docher`echer*)
docherecher a melcherecher;
remuul el mo mesisiich; smisiich,
docherecher a rengmiu e mesuub,
dechercherel.
- docherecherii:** (*docherecher`ii*)
docherecherii a melcherecher er a
rengul; sisichii, docherecherii a
rengum e mesuub.
- dodes:** (*d`odes*)
dodes a ta er a bedengel a ngikel.
- doemelii:** (*doemel`ii*)
doemelii a meleomel er ngii; rullii
el mo medeomel, smau el meruul a
mekngit e ka lemedakd, diak
lomekerreu a tekoi.
- doibard:** (*doib`ard*)
doibard a melebard; remuul el
mo delbard; diak le llemolem.
- doibechakl:** (*doibech`akl*)
doibechakl a melibechakl; diak
lolemolem er a rael; touchakl er a
kmeed; tmuu er a teballungel.
- doibeckeklii:** (*doibeckekl`ii*)
doibeckeklii a doibechakl er ngii;
melibechakl, doibeckeklii a rael.
- doiberdii:** (*doiberd`ii*)
doiberdii a melbard er ngii;
delbard, doiberdii a kerrekar.
- doibkur:** (*doibk`ur*)
doibkur a melibuk er ngii; doibkur
a besebes; doibuk.
- doibuk:** (*doib`uk*)
doibuk a melibuk; delibuk; doibuk
a betok el besebes.
- doidab:** (*doid`ab*)
doidab a melidab; melemiakl; mla
doidab a betok el buuch, doidebur
a lius, didebul.
- doidai:** (*doid`ai*)
doidai a melidai; mla doidai a
cheul ngii me a sechelil; delidai,
didiul.
- doidebur:** (*doideb`ur*)
doidebur a melidab er ngii;
melemiakl.
- doiderekl:** (*doider`ekl*)
doiderekl a mla ngmasech; mla
doiderekl er a bilas, didereklel.
- doidereklung:** (*doiderekl`ung*)
doidereklung a mochu doiderekl;
di kmeed el mo ngmasech,
doidereklu er a skoki.
- doideur:** (*doide`ur*)
doideur a melidai er ngii, mla
doideur a bdelul.





doikekengii

doikekengii: (doikekeng`ii) (2)

doikekengii a rullii el mo kikiongél,
chetelaol er a rrom a mla omudech
el doikekengii a blai.

doikekengii: (doikekeng`ii) (1)

doikekengii a melikik er ngii;
delikik, doikekengii a blai er a
kall; medeel me ng cherrad.

doikik: (doik`ik)

doikik a melikik; medeel; cherrad,
mla doikik a kall.

dokedek: (dok`edek)

dokedek a duangeb er a dekedek;
melekedek; rengalek a dokedek a
mederir e remurt; mart a
mad.

dokedekang: (dokedek`ang)

dokedekang a ko el mocha
dokedek; omart, melekedek.

dokedekii: (dokedek`ii)

dokedekii a melekedek er ngii;
dokedekii a bita el medal,
dekedekel.

dokel: (dok`el)

dokel a doko er ngii; dokel a ngikel,
blil a telil.

doklang: (dokl`ang)

doklang a ko el mocha dmakl;
melakl

doklii: (dokl`ii)

doklii a melakl er ngii; sukur er a
kliokl el chutem; deklel.

dokngei: (dokng`ei)

dokngei a mla mo dmak, Belau me
a Merikel a dokngei.

doko: (d`oko) (1)

doko a a klekedall er a bedengel a
chad me a charm (meloko), dokel.

doko: (d`oko) (2)

doko a kerrekar el soal duubech
a kederang.

dokodek: (dok`odek)

dokodek a melekodek; melekosek,
dokodek a babii.

dokuui: (doku`ii)

dokuui a meloko er ngii, dokuui a
olbidel.

dolech: (d`olech)

dolech a delechel a ralm me a daob,
klou a dolech; keriik, dmolech a
chei, delechel.

dolechakl: (dolech`akl)

dolechakl a mo chelellakl; dobodeb
a rengul, dolechakl a rengul
er a klsibelreng.

dolechang: (dolech`ang)

dolechang a mocha dmolech;
merema a keriik, dolecha chei,
delechel.

dolemakl: (dolem`akl)

dolemakl a mellemakl; dolemakl a
ututk er a blai, dolemeklii a
smengtél a chutem delemeklel.

dolemeklii: (dolemekl`ii)

dolemeklii a mellemakl er ngii;
otungii er a chutem.

dolemiang: (dolemi`ang)

dolemiang a ko el mocha dolemii;
keed er a dechad e lak dolalem.

dolemii: (dolem`ii)

dolemii a melalem er ngii; dolemii
a kebui.

dolkii: (dolk`ii)

dolkii a melolk er ngii; sobekii, mla
dolkii a rachel me a iedel a
kaireberebet; delkel.

dolkung: (dolk`ung)

dolkung a mochu melolk; dolkii,
kmeed el dmolk.

dolmers: (dolm`ers)

dolmers a chad el oleuid a tekoi;
remechudel a dolmers a tekoi
er a Siabal.

domedem: (dom`edem)

domedem a melemedem; remuul
el mo tabesul, domedem a chutem,
demedemel, domedemii.

domedemek: (domed`emek)

domedemek a melemedemek;
remuul el mo medemedemek,
domedemekii, demedemekel.

domedemekii: (domedemek`ii)

domedemekii a melemedemek er
ngii; rullii el mo medemedemek.

